


Bibel tu angka dakdanak patomutomuhon

Mula ni Sitaonon ni Jolma



Sinurathon ni: Edward Hughes
Illustrasi sian: Byron Unger; Lazarus
Sinadur ni: M. Maillot; Tammy S.
Nihatabatakxon ni: Marihot Siahaan
Hinaruarhon ni: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2011 Bible for Children, Inc.

Ijin: Manang ise pe, boi do mamotokopi manang pagandahon cerita on,
asal ma unang digadis.

1

DEBATA DO MANOMPA NASA
NA ADONG! Di tingki ditompa
Debata jolma na parjolo, si Adam,
maringan do ibana di Porlak Eden, rap
dohot tungga ni boruna, si
Hawa. Tung mansai las do
rohanasida mangoloi Debata
jala lomo hian do
rohanasida rap
dohot Ibana.
Alai di
sada
ari ...




2




Disungkun ulok I ma si Hawa, "Na didok Debata do na so jadi panganon sian sude hau?" Dialusi ibana ma, "Boi do panganonnami sian sude parbue, alai ndang, anggo sian nasasada i. Molo hupangan hami manang hujama hami parbue ni i, mate ma hami." Didok ulok i ma, "Ndang mate hamu".

3




"Gabe songon Debata do hamu." Gabe lomo ma roha ni si Hawa di pabue ni hau i. Ditangihon ibana do ulok i gabe dipangan ma parbue i.

4



Dung so ditangihon si Hawa be Debata, diarahon ibana ma si Adam manganhon parbue i. Sugari dohonon ni si Adam ma nian, "Ndang! Ndang jadi aloonku Hata ni Debata."

5



Dung mardosa si Adam dohot si Hawa, diboto nasida nadua ma na marsaemara nasida. Disomoti ma bulung ni hau ara bahen abit, laos marabit ma nasida. Dung i martabuni nasida di tonga ni ramba di haroro Debata.

6




Di ngali ni ari di borngin i, ro ma Debata tu porlak i. Nunga diboto Ibane aha naung niula di Adam dohot si Hawa. Disalahon si Adam ma si Hawa. Disalahon si Hawa ma ulok i. Mangkuling ma Debata, "Hona bura ma ulok i. Jala boruboru i hansitan laho manubuhon dakdanak."

7




"Adam, ala nunga mardosa ho, hona bura ma tano i marhite angka sugasuga. Marhoi jala hir ma hodokmu mangalului ngolum siganup ari."

8




Jadi dipabali Debata ma si Adam dohot si Hawa sian porlak na uli i. Ala naung mardosa i nasida, gabe sirang ma nasida sian Debata silehon hangoluan il!

9




Dibahen Debata ma podang na marjimbur pabalihon nasida. Dibahen Debata ma abit ni si Adam dohot si Hawa sian hulinghuling. Sian dia do dibuat Debata hulinghuling i?

10



Dung i marpinompar ma si Adam dohot si Hawa. Anak buha baju nasida, si Kain, pangula porlak do. Parmahan do anggo anak na paduahon, si Abel.

11



Di sada ari diboan si Kain ma angka parbue ni porlakna bahen pelean tu Debata. Anggo si Abel, diboan ma na ummuli sian birubiruna bahen pelean tu Debata. Lomo ma roha ni Debata tu pelean ni si Abel.

12



Ndang lomo roha ni Debata tu pelean ni si Kain. Gabe muruk situtu ma si Kain. Alai didok Debata ma, "Aut diula ho na sintong, tung so jaloon ho?"

13



Ndang olo sidung muruk ni si Kain. Di tingki rap nasida nadua di ladang, dipusa ibana ma si Abel, jala dibunu.

14

Didok Debata ma tu si Kain.
"Didia anggim, si Abel?" Dialusi
si Kain ma, "Ahu huroha sijaga
angingku?" Dium Debata ma
si Kain, diorui gogona mangula
jala dibahen ma ibana
mompasompas.



15

Laho ma si Kain sian adopan ni TUHAN. Dioli ibana
ma boru ni si Adam dohot si Hawa. Dipajongjong
nasida ma sada ruma tangga. Nandang
sadia lelang, digohi angka pahompu
dohot angka nono ni si
Kain



ma huta na
pinajongjongna i.

16

Songon i ma, pinompar ni si Adam
dohot si Hawa hatop mamopar. Di
angka tingki i, gumanjang do umur
ni jolma sian di tingki on.



17

Di tingki tubu anakna si Set, didok si
Hawa ma, "Dilehon Debata do si Set tu
ahu singkat ni si Abel." Na daulat do si
Set, jala 912 taon lengna mangolu
huhut torop pinomparna.




18

Di portibi on, lam jahat ma jolma
i, masitiruan sundut tu sundut.
Ala ni i, gabe lengsehonon ni
Debata ma jolma i dohot ...




19

... sude binatang buas dohot
angka pidong. Manolsoli ma
Debata ala naung ditompa jolma
i. Alai adong do sahalak na
pasonang roha
ni Debata.



20

I ma si Noak. Sahalak sian pinompar ni si Set do ibana. Anggo Si Noak, jolma na bonar do jala ndang marsala. Sai dioloi ibana do Debata.



21

Tong diajari ibana anakna natolu i mangoloi Debata. Disangkapi Debata ma mamangke si Noak marhite dalan na so dapot roha.



22

Mula ni Sitaonon ni Jolma

Dapot do sada barita sian hata ni Debata,

ima Bibel,

1 Musa 3-6

"Pangungkapon di angka hataMi do patiur parnidaan." Psalmen 119:130

23

Ujungna

2

60

24

Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhum ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhum Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do i! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.

Molo porsea do ho di hasintongan on, dok ma songon on tu Debata:
O Jesus, porsea do ahu na Debata do Ho, jala naung gabe jolma.
Naung mate do Ho ala ni dosangu, alai nuaeng mulak mangolu do Ho.
Ro ma Ho tu ngolungku jala sesa ma dosangu, asa dapot ahu ngolu na imbaru, jala molo ro tingkina, gabe rap ahu dohot Ho ro di salelengna.
Urupi ma ahu mangoloi Ho jala mangolu di Ho songon anakhonMu.
Amen.

Jaha ma Bibel i jala manghatai ma ho dohot Debata ganup ari!
Johannes 3:16

25